

Incumbensa Horrer concernent l'augment dal credit d'impegn general per finanziar infrastructuras relevantas per il sistem

Tenor l'art. 18 al. 2 da la Lescha per promover il svilup economic en il chantun Grischun dals 27 d'avust 2015 (LSE; DG 932.100) po il chantun promover – sa basond sin strategias regiunalas per il svilup da l'economia locala (SrSl) – projects d'infrastructuras ch'èn relevantas per il sistem, sch'ellas gidan u a rinforzar il sistem dal turissem regional sco er las finamiras strategicas da la destinaziun turistica e sch'ellas han in'orientaziun d'importanza chantunala, u er, sch'ellas correspundan ad in basegn da l'economia generala.

Cun ils meds menziunads han ins pudì sustegnair l'ultim decenni divers projects en las pli differentas regiuns dal Grischun. Uschia han tranter auter pudì vegnir pajadas contribuziuns a favur dals suandants projects: il parc dad urs ad Arosa, il bogn cuvert cun in albiert da giuventetgna a Laax, la senda da tschimas a Laax, il resort da vacanzas e l'ennavaziun da basa a Mustér, l'arena da biatlon a Lantsch, l'Arena Engiadina, ils implants da sport a Mustér, Tavau u Cuira, l'engrondiment dal vitg da Heidi a Maiavilla, las infrastructuras dad Origen en Surses e.u.v. Ils meds da promoziun han già effect en differentas regiuns tenor las finamiras strategicas respectivas.

Cun la nova strategia turistica dal chantun è avant maun ina basa concepziunala per promover projects d'infrastructura ch'èn orientads al futur. Il credit d'impegn general è dentant consumà resp. è praticamain lià cumpletamain, betg sco ultim, perquai che 35 milliuns francs èn vegnids determinads per l'access da bindel ultralad en il chantun. Per il mument na pon actualmain nagins projects pli vegnir promovids, schebain che la perioda da promoziun era prevista oriundamain fin l'onn 2030.

En vista a las experientschas positivas durant l'emprima perioda da pajament, a la situaziun finanziaria allegraivla dal chantun ed al grond basegn d'investiziun en las regiuns grischunas che transferechan actualmain las strategias da svilup regiunalas en ina proxima perioda, pari d'esser adequat e necessari d'augmentar ils meds finansials per infrastructuras ch'èn relevantas per il sistem.

Per che las regiuns dal Grischun possian mantegnair, adattar ed engrondir vinavant lur infrastructuras tenor las finamiras strategicas – e per ch'ellas restian uschia cumpetitivas – fan las sutsegnadras ed ils sutsegnaders la suandanta dumonda:

La Regenza vegn incumbensada d'augmentar per immediat il credit d'impegn general «infrastructuras relevantas per il sistem» tenor la LSE art. 18 al. 2, per 35 milliuns francs.

Cuira, ils 30 d'avust 2024

Horrer, Bergamin, Berthod, Adank, Altmann, Atanes, Bachmann, Bardill, Baselgia, Berther, Bettinaglio, Biert, Bischof, Bisculm Jörg, Bleuler-Jenny, Bundi, Butzerin, Cahenzli-Philipp (Vaz sut), Caluori, Casale, Casutt, Caviezel, Censi, Collenberg, Crameri, Danuser (Cuira), Danuser (Cazas), Das, Della Cà, Dietrich, Epp, Favre Accola, Furger, Gansner, Gartmann-Albin, Gort, Grass, Heim, Hoch, Kaiser, Kreiliger, Lamprecht, Lehner, Mani, Metzger, Michael (Castasegna), Morf, Müller, Nicolay, Preisig, Rageth, Righetti, Rusch Nigg, Rutishauser, Said Bucher, Schutz, Sgier, Spagnolatti, von Ballmoos, Zaugg-Ettlin